

MEHMEDOVIĆ AHMET

rođen je 29. januara 1951. godine u Cepardama, općina Kalesija. Gazi Husrev-begovu medresu u Sarajevu završio je 1975. godine. Diplomirao je na Novinarskom institutu u Beogradu.

Svoje radno iskustvo započeo je kao imam u Gornjem Vakufu 1973. godine, kasnije u Trebinju od 1974-1983. godine. Poslove tehničkog urednika lista „Preporod“ obavljao je od 1983-1993. godine. Bio je, također, tehnički urednik časopisa „Islamska misao“, „Muallim“ i lista „Zemzem“. Radio je u Udruženje Ilmije Bosne i Hercegovine - Sarajevo, Novinskom izdavačkom društvu „Novi Kevser“ Sarajevo te uredništvu časopisa „Muallim“. Obavljao je poslove zamjenika glavnog i odgovornog urednika lista za djecu „Kevser“ te od 2000. godine bio glavni i odgovorni urednik lista za djecu „Amanet“. U Gazi Husrev-begovoj biblioteci počeo je raditi od 2001. godine kao kustos muzejske zbirke i referent fototeke. Svoj desetogodišnji angažman u ovoj instituciji proveo je na izradi projekta Biblioteke *Leksikon bošnjačke uleme*. Penzionisan je 2016. godine.

Knjige:

1. *Tako je govorio Muhammed Resulullah*, Tuzla, 1991. (6 izd. i prijevod na albanski jezik);
2. *Gazi Husrev-beg i njegove zadužbine*, Sarajevo, 2005;
3. *Vakufi sa područja općina Stari Grad i Centar Sarajevo : nekad i sad* (katalog izložbe Vakufske direkcije), Sarajevo, 2014;
4. *Islamski motivi na poštanskim markama* (katalog izložbe u GHB), Sarajevo, 2015.
5. *Leksikon bošnjačke uleme*, Sarajevo 2018.
6. *Muftije Mostara i Hercegovine*, Mostar, 2023.

Autor je 15 samostalnih izložbi fotografija. Pisane radove je objavljivao u *Takvimu*, *Preporodu*, *Glasniku VIS*, *Analima GHB*, *Mostu*, *Muallimu*, *Novom Muallimu*, *Znakovima vremena*, *Novim Horizontima*, *Amanetu* i *Kevseru*.